



მიტროპოლიტი ილარიონი: ყოვლადწმინდა ღვთისმშობელი თავისი დედობრივი სიყვარულით მთელს სამყაროს და თითოეულ ადამიანს გულში იკრავს



2021 წლის 21 სექტემბერს, ყოვლადწმინდა ჩვენი დედოფლის და მარადის ქალწულის მარიამის შობის დღესასწაულზე, მოსკოვის საპატრიარქოს საგარეო საეკლესიო კავშირების განყოფილების თავმჯდომარემ, ვოლოკოლამსკის მიტროპოლიტმა ილარიონმა, მოსკოვში დიდ ორდინკაზე „ყოველთა მწუხარეთა სინარულის“ ხატის სახელობის ტაძარში საღმრთო ლიტურგია აღასრულა.

მწყემსმთავარს ტაძრის კლირიკოსები თანამსახურებდნენ.

ამავე ტაძარში წინა სალამოს მიტროპოლიტმა ღამისთევის მსახურების წეს-განგება შეასრულა.

მრჩობლ კვერექსზე გაჟღერდა კორონავირუსული ინფექციისგან დასახსნელი სავედრებელი ლოცვები.

შემდეგ მიტროპოლიტმა ილარიონმა სნების განმფენი ქარის დროს საკითხავი ლოცვა აღავლინა.

ღმრთისმსახურების დასრულებისას მწყემსმთავარმა დამსწრეებს ქადაგების სიტყვით მიმართა:

„სახელითა მამისათა და ძისათა და სულისა წმიდისათა!

სახარებებში არაფერია ნათქვამი იმის შესახებ, თუ საიდან მოვიდა ყოვლადწმინდა ღვთისმშობელი, ვინ იყვნენ მისი მშობლები, როგორ გაიზარდა იგი. ლუკას სახარებაში ვკითხულობთ იმის შესახებ, თუ როგორ იქნა მთავარანგელოზი გაბრიელი ნაზარეთში ქალწულთან მივლენილი, რომლის სახელი იყო მარიამი, რათა მისთვის ეხარებინა კეთილი უწყება მისგან მაცხოვრის შობის შესახებ. მათეს სახარება მოგვითხრობს, თუ როგორ მოხდა უფალ იესო ქრისტეს შობა ღვთისმშობელი მარიამისა და სულიწმიდისგან. მაგრამ ვინ იყო ქალწული მარიამი, ვინ იყვნენ მისი მშობლები, რა უსწრებდა წინ მასთან ანგელოზის ამ მისვლას, სახარება დუმს.

ამ ყველაფერზე საეკლესიო ტრადიცია გვესაუბრება.

საეკლესიო ტრადიციის თანახმად, ყოვლადწმინდა ღვთისმშობლის მშობლები ღვთისმოსავი იოაკიმე და ანნა იყვნენ. იოაკიმე, იერუსალიმის ტაძრის მღვდელი, უშვილო იყო, რაც ძველ აღთქმაში აღიქმებოდა როგორც ზოგიერთი ცოდვის გამო ღვთისაგან მოვლენილი მძიმე სასჯელი. მრავალი წლის განმავლობაში ის და მისი ცოლი ანნა ლოცულობდნენ იმისთვის, რომ უფალს მათთვის შთამომავალი ებოძებინა.

როდესაც იოაკიმე და ანნა უკვე მოხუცებულ ასაკში იყვნენ, უფალმა შეისმინა მათი ლოცვა, და ღვთისმოსავი წყვილისგან მოვიდა ის, ვინც განზრახული იყო გამხდარიყო ხორცშესხმული ღმერთის დედა, დაუტევნელის დამტევნელი და ჩვენი ხსნის იარაღი.

ყოვლადწმინდა დედოფალი ღვთისმშობელი, როგორც ეკლესიის ტრადიცია მოწმობს, იერუსალიმის ტაძარში აღიზარდა. მან მთელი თავისი დრო გაატარა ლოცვაში, წმინდა წერილის კითხვაში, ხელსაქმეში

და საკუთარი თავს ამზადებდა იმისთვის, რათა უფლის დედა გამხდარიყო. მაგრამ, რა თქმა უნდა, როდესაც ყოვლადწმინდა ღვთისმშობელს ანგელოზი გამოეცხადა და ამის შესახებ აუწყა, ის შეძრწუნდა. „ვითარ-მე იყოს ესე ჩემდა, რამეთუ მე მამაკაცი არა ვიცი?“ (ლუკა 1:34), – ჰკითხა მარიამმა. მაგრამ ანგელოზმა უთხრა მას: „სული წმიდაჲ მოვიდეს შენ ზედა, და ძალი მალლისაჲ გვარვიდეს შენ“ (ლუკა 1:35).

რატომ აირჩია უფალმა მინცდამინც ეს ღვთისმოსავი ებრაელი გოგონა იმისთვის, რომ ის მისი დედა გამხდარიყო? რატომ არა ვინმე სხვა? და საერთოდ რატომ სჭირდებოდა მას ქალწულისგან დაბადება? მას ხომ შეეძლო ზეციდან ჩამოსვლა ისევე, როგორც ზეცაში ამაღლდა მას შემდეგ, რაც ჯვარზე მოკვდა და მკვდრეთით აღდგა?

ამ კითხვებზე არც წმინდა წერილი და არც წმინდა გარდამოცემა არ გაგვცემს პასუხს. უფალი ამ სამყაროში ჩვეულებრივი ადამიანური შობით მოვიდა, ჩვეულებრივი, იმიტომ რომ ის ისეთივე ყოფილიყო, როგორც სხვა ადამიანებია. მაგრამ ამავე დროს, იესო ქრისტეს შობას არ შეიძლება ვუწოდოთ ჩვეულებრივი, რადგან ქრისტე დაიბადა არა ცოლ-ქმრისგან, არამედ ღვთისმშობელი მარიამისგან და სულიწმინდისგან. როცა უფალი მაცხოვარი იშვა, მარიამის ქალწულობა შენარჩუნებული დარჩა, მან არ დაკარგა ის. და როდესაც ჩვენ ვფიქრობთ ამ ყველაფერზე, ჩვენი გონება და ჩვენი გული ეხება დიდ საიდუმლოს, რომელიც შეუძლებელია ადამიანური სიტყვებით აღწერო.

ჩვენ არ შეგვიძლია ვუპასუხოთ კითხვას იმაზე, თუ რატომ გამოჩნდა უფალი ასე, და არა სხვაგვარად. რატომ აირჩია მან სწორედ ასეთი დაბადების გზა, და არა სხვა რომელიმე. ჩვენ მხოლოდ ვიცით, რომ ღმერთმა ჩვენთან ახლოს ყოფნა მოინდომა. მან მოინდომა რომ თავისი ზეციური სიმაღლიდან ჩამოსულიყო, რათა ჩაფლულიყო ჩვენს ადამიანურ ცხოვრებაში მთელი თავისი მწუხარებებით, პრობლემებით, ყველაფერი იმით, რაც მხოლოდ გვახარებს ჩვენ, არამედ იმითაც რაც ამძიმებს ჩვენს გულსა და სულს.

უფალი გახდა ერთ-ერთი ჩვენგანი, რათა ჩვენ გადავერჩინეთ, და ისე, როგორც თავად დედამინაზე ჩამოვიდა, ჩვენც შეგვძლებოდა, მისი ხელმძღვანელობით, მიწიდან ზეცაში ასვლა. მაგრამ ჩვენი მიწიდან ზეცაში ასვლა არ მოხდება ერთბაშად, არც ერთხელ, არც ჩვენი სიკვდილის შემდეგ, არამედ ხდება უკვე აქ და ახლა, როდესაც ტაძარში მოვიდვართ, როდესაც საღვთო ლიტურგიაში ვმონაწილეობთ, ვვედრებით უფალს, მის უწმინდესს დედას, ანგელოზებსა და წმინდანებს, და განსაკუთრებით მაშინ, როდესაც ვეზიარებით ქრისტეს წმინდა საიდუმლოებებს, საკუთარ თავში ვიღებთ ხორცშესხმული ღმერთის ხორცსა და სისხლს. სწორედ მაშინ იწყება ჩვენი ასვლა მიწიდან ზეცაში. და ამ ასვლისას ჩვენი შემწე, შუამავალი და მლოცველი არის ყოვლადწმინდა ღვთისმშობელი და მარადის ქალწული მარიამი.

ყოვლადწმინდა ღვთისმშობელმა ჩვენი ეკლესია განსაკუთრებული წყალობის ღირსი გახადა, ის ჩვენთანა მყოფობს თავისი სასწაულებრივი ხატის „ყოველთა მწუხარეთა სიხარულის“ მეშვეობით. ყველთვის, როდესაც მწუხარება მოგვიცავს, ჩვენ შეგვიძლია მივებალოთ მას, ვვედროთ ყოვლადწმინდა ღვთისმშობელს, და ყოველთვის მივიღებთ შვებასა და შენევენას. შეიძლება დაუყოვნებლივ – არა, მაგრამ აუცილებლად მივიღებთ, რადგან ყოვლადწმინდა ღვთისმშობელი ისმენს ჩვენს ლოცვებს, არის ჩვენი შუამავალი, შემწე და მლოცველი ყოვლისმპყრობელი ღმერთის ტახტის წინაშე.

ზოგი ამტკიცებს, რომ ყველა თქმულება იოაკიმესა და ანასგან ღვთისმშობლის შობის შესახებ, იმაზე, რომ ის იერუსალიმის ტაძარში აღიზარდა, არასანდოა, რადგან ისინი წმინდა წერილში საერთოდ არ არიან მოხსენიებულნი და შეუძლებელია ასეთი რამ მომხდარიყო, რომ ასეთი პატარა გოგონა ტაძარში გაზრდილიყო. კერძოდ, ასე საუბრობს ყველანაირი პროტესტანტი მქადაგებელი, ბაპტიستي მქადაგებელი, ორმოცდაათიანელი – ისინი, რომლებიც ქრისტეს ღმერთად და მაცხოვრად აღიარებენ, მაგრამ ამავე დროს საეკლესიო გარდამოცემას უარყოფენ, არ ლოცულობენ ყოვლადწმინდა ღვთისმშობლის წინაშე და არც თაყვანს სცემენ მას.

ჩვენ ასეთ ადამიანებს მთელი სიმტკიცითა და სიმდაბლობით ვპასუხობთ: ყოვლადწმინდა ღვთისმშობლის საიდუმლო – ეს არის ის საიდუმლო, რომელიც განცხადდა ეკლესიაში. ის ღია იყო მისთვის. და საუკუნეების მანძილზე იგი უცხადებოდა მორწმუნე გულს. ჩვენ არ შეგვიძლია წარმოვიდგინოთ ღმერთის განდიდება და იესო ქრისტეს განდიდება როგორც ღმერთისა და მაცხოვრის, იმავდროულად ქალწული მარიამის, როგორც მისი უწმინდესი დედის, როგორც ყოვლადკურთხეული ჩვენი დედოფლის ღვთისმშობლის განდიდებას გარეშე.

შემთხვევითი არ არის, რომ მე-V საუკუნეში ერთმა მონდომებულმა ღვთისმეტყველმა გადანყვიტა შეეცვალა ყოვლადწმინდა ღვთისმშობლის სახელი, ამტკიცებდა, რომ მან თითქოსდა გააჩინა არა მარადიული ღმერთი, არამედ ადამიანი იესო ქრისტე, ამიტომ საჭიროა მას ვუნოდოთ ქრისტესმშობელი და არა ღვთისმშობელი. მთელი საეკლესიო სისავსე, უბრალო ხალხი და სასულიერო პირები, იერარქები და ღვთისმეტყველები აღდგნენ ამ უწმინდურების წინააღმდეგ, რადგან ყოვლადწმინდა ღვთისმშობელი ჭეშმარიტად ღვთისმშობელია. მან გააჩინა ღმერთკაცი ქრისტე და ამიტომაც სრული სამართლიანობით ის იწოდება ღვთისმშობელად. ჩვენ მას ვევედრებით, როგორც ჩვენს შუამდგომელს, ჩვენს შუამავალს და მეოხს ყოვლისშემძლე ღმერთის ტახტის წინაშე. ჩვენი გული ეხმაურება მის ყოფნას ჩვენს ცხოვრებაში, მაგრამ რაც მთავარია – ის ეხმაურება ჩვენს ლოცვებს, გვისმენს ჩვენ, ვუყვარვართ და თავისი დედობრივი სიყვარულით გულში იკრავს მთელ სამყაროს და თითოეულ ადამიანს.

ყოვლადწმინდა ღვთისმშობლის შობის დღესასწაულზე, ვილოცოთ ჩვენი ყოვლადწმინდა დედოფლის წინაშე, რომ დაგვიფაროს მან ყოველგვარი ბოროტებისგან, დაიფაროს ჩვენი სამშობლო, დედამიწის ყველა ხალხი და რაც შეიძლება მალე დასრულდეს ის შეტევა, რომელიც ჩვენ მოგვევლინა როგორც ღვთის დაშვება. ჩვენი გულის სიჩუმეში განვადიდოთ ჩვენი უფალი იესო ქრისტე და მისი ყოვლადწმინდა დედა, ჩვენი დედოფალი. ამინ.

ყველას გილოცავთ ყოვლადწმინდა ღვთისმშობლის შობის დღესასწაულს! უფალმა ყველა დაგიფაროთ“.

სსკვ-ს კომუნიკაციების სამსახური